



აჭარის ავტონომიური რესპუბლიკის ადმინისტრაციულ ტერიტორიაზე არსებული საჯარო სკოლების პირველი კლასის მოსწავლეთათვის სასკოლო ფორმების შესყიდვა ელექტრონული ტენდერის საშუალებით

ს ა ტ ე ნ დ ე რ ო დ ო კ უ მ ე ნ ტ ა ც ი ა

ქალაქი ბათუმი

2012 წელი

ს ა რ ზ ე ვ ი

1. ტექნიკური დოკუმენტაცია.....	3
2. სახელმწიფო შესყიდვის შესახებ ხელშეკრულების პროექტი	4
3. დანართი N1 – ინფორმაცია ფასებისა და მიწოდების ვადების შესახებ	9
4. დანართი N2 – პრეტენდენტის მიერ წარმოსადგენი რეკვიზიტების ჩამონათვალი	10
5. დანართი N3 – აფიდავიტის საილუსტრაციო ფორმა	11

ტექნიკური დოკუმენტაცია

შესყიდვის ობიექტი:

აჭარის ავტონომიური რესპუბლიკის ადმინისტრაციულ ტერიტორიაზე არსებული საჯარო სკოლების პირველი კლასის მოსწავლეთათვის სასკოლო ფორმების შესყიდვა.

შესყიდვის ობიექტის ტექნიკური მახასიათებლები და პარამეტრები მითითებულია მიმაგრებულ ფაილებში: „ტექნიკური მახასიათებლები და პარამეტრები“ და „სასკოლო ფორმის მოდელები“.

1. საკვალიფიკაციო მოთხოვნები:

პრეტენდენტმა (როგორც ფიზიკურმა, ასევე იურიდიულმა პირმა) უნდა წარმოადგინოს საკვალიფიკაციო მონაცემების დამადასტურებელი შემდეგი დოკუმენტები:

ა) ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;

ბ) ცნობა საგადასახადო ორგანოდან ბიუჯეტისადმი დავალიანების არქონის შესახებ.

2. პრეტენდენტის მიერ წარმოდგენილი სატენდერო წინადადება უნდა შეიცავდეს შემდეგ დამატებით დოკუმენტებსა და ინფორმაციას:

ა) ინფორმაცია შესყიდვის ობიექტის ფასების და მიწოდების ვადების შესახებ დანართის შესაბამისად (დანართი N1).

საქონლის მიწოდება უნდა მოხდეს ხელშეკრულების გაფორმების თარიღიდან შემსყიდველის მოთხოვნის შესაბამისად არაუგვიანეს 2012 წლის 20 აგვისტომდე პერიოდში.

ბ) პრეტენდენტი პირის სრული რეკვიზიტები დანართის შესაბამისად (დანართი N2);

3. შემსყიდველს შესყიდვის ობიექტი უნდა მიეწოდოს სატენდერო დოკუმენტაციის შესაბამისად (იხ. მიმაგრებული ფაილები – „ტექნიკური მახასიათებლები და პარამეტრები“ და „სასკოლო ფორმის მოდელები და ესკიზები“);

4. სასკოლო ფორმაზე უნდა დამაგრდეს ლოგო შესაბამისი სკოლის დასახელების მითითებით, ლოგო უნდა ჩაეკეროს პიჯაკის მარცხენა მკერდის მხარეს. ლოგო დამზადებული უნდა იყოს ნაჭრის მასალისაგან. ლოგოს ფორმა და დიზაინი უნდა შეთანხმდეს შემსყიდველთან.

5. საქონლის მიწოდების ვადები და ადგილი:

შესყიდვის ობიექტის მიწოდება უნდა განხორციელდეს ეტაპობრივად, შემსყიდველის მოთხოვნის შესაბამისად მოთხოვნაში მითითებულ ვადაში. სკოლებზე მოსწავლეთა ფორმების მიწოდება უნდა მოხდეს მიწოდების ადგილის შესახებ ინფორმაციის შესაბამისად (იხ. მიმაგრებული ფაილი – მიწოდების ადგილის შესახებ ინფორმაცია).

6. ტენდერში გამოიყენება ბანკის, სხვა საკრედიტო დაწესებულების ან სადაზღვევო ორგანიზაციის მიერ გაცემული სახელმწიფო შესყიდვის შესახებ ხელშეკრულების შესრულების საგარანტიო უზრუნველყოფა (საბანკო გარანტია) ხელშეკრულების ღირებულების 5 (ხუთი) %-ის ოდენობით. ხელშეკრულების შესრულების საგარანტიო უზრუნველყოფის მოქმედების ვადა მინიმუმ ოცდაათი დღით უნდა აღემატებოდეს ხელშეკრულების მოქმედების ვადას.

7. ანგარიშსწორება მოხდება უნაღდო ანგარიშსწორებით ლარში. პრეტენდენტის მოთხოვნის შემთხვევაში შესაძლებელია წინასწარი საავანსო ანგარიშსწორება სახელშეკრულებო ღირებულების არაუმეტეს 50%-ის ოდენობით.

8. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით.

9. დამატებითი ინფორმაცია დაინტერესებულ პირებს შეუძლიათ მიიღონ შემდეგი პირისაგან თამილა დუმბაძე, სატენდერო კომისიის აპარატის წევრი; ტ. 24-78-64, 577-30-40-10. მისამართი: გუდიაშვილის ქ. N4

სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქალაქი ბათუმი

2012 წელი

ერთის მხრივ აჭარის ავტონომიური რესპუბლიკის განათლების, კულტურისა და სპორტის სამინისტრო (შემდგომში „შემსყიდველი“), წარმოდგენილი ----- სახით და მეორეს მხრივ „-----“ (შემდგომში „მიმწოდებელი“), წარმოდგენილი ----- სახით, „სახელმწიფო შესყიდვების შესახებ“ საქართველოს კანონის და პრეტენდენტის (დასახელება) სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება NSPA....) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებული ტერმინების განმარტებები

- 1.1. „ხელშეკრულება სახელმწიფო შესყიდვების შესახებ“ (შემდგომში- „ხელშეკრულება“) შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით, ასევე მთელი დოკუმენტაცია, რომელზეც ხელშეკრულებაში არის მინიშნებები;
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ – ორგანიზაცია, რომელიც ახორციელებს შესყიდვას;
- 1.4. „მიმწოდებელი“ – პირი, რომელიც ახორციელებს საქონლის მიწოდებას მოცემული ხელშეკრულების ფარგლებში;
- 1.5. „დღე“, „კვირა“, „თვე“ – კალენდარული დღე, კვირა, თვე;
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

- 2.1. ხელშეკრულების საგანია აჭარის ავტონომიური რესპუბლიკის ადმინისტრაციულ ტერიტორიაზე არსებული საჯარო სკოლების პირველი კლასის მოსწავლეათათვის სასკოლო ფორმების შესყიდვა (CPV-18230000).
- 2.2. საქონლის ზუსტი დასახელება და რაოდენობა განსაზღვრულია ფასების და მიწოდების ვადების შესახებ ინფორმაციით.

3. ხელშეკრულების ღირებულება

- 3.1. ხელშეკრულების ღირებულება შეადგენს ——— () ლარს.
- 3.2. საქონლის ერთეულის ღირებულება განსაზღვრულია ფასების ცხრილით.
- 3.3. ხელშეკრულების ღირებულება მოიცავს საქონლის ხელშეკრულებით განსაზღვრული პირობებით მიწოდებასთან დაკავშირებულ მიმწოდებლის ყველა სავარაუდო ხარჯს და საქართველოს კანონმდებლობით გათვალისწინებულ ყველა გადასახადს, რომელთა გადახდაზეც პასუხისმგებელია მიმწოდებელი.

4. საქონლის მიწოდების პირობები და ადგილი

- 4.1. საქონლის მიწოდება მიმწოდებელმა უნდა განახორციელოს ეტაპობრივად, შემსყიდველის მოთხოვნის შესაბამისად, ხელშეკრულების გაფორმებიდან 2012 წლის 20 აგვისტომდე პერიოდში.
- 4.2. საქონლის მიწოდებას მიმწოდებელი უზრუნველყოფს საკუთარი ხარჯებით.

- 4.3. მიმწოდებელი ვალდებულია შემსყიდველის მიერ მოთხოვნილი საქონლის მიწოდება უზრუნველყოს შემსყიდველის შეტყობინებაში (მოთხოვნის) მითითებულ ვადაში.
- 4.4. შემსყიდველის მიერ გაგზავნილ შეტყობინებაში (მოთხოვნაში) მითითებული უნდა იყოს, სკოლის დასახელება, სასკოლო ფორმის მოდელი, რაოდენობა, მიწოდების ადგილი. შეტყობინება (მოთხოვნა) დამოწმებული უნდა იყოს შემსყიდველის უფლებამოსილი წარმომადგენლის ხელმოწერით.
- 4.5. საქონლის მიწოდებას მიმწოდებელი უზრუნველყოფს საკუთარი ხარჯებით.
- 4.6. მიმწოდებელმა საქონლის მიწოდება უნდა განახორციელოს მიწოდების ადგილის შესახებ ინფორმაციაში მითითებულ ადგილას.

5. საქონლის მიღება-ჩაბარების წესი

- 5.1. საქონლის მიღება-ჩაბარებას ახორციელებენ სათანადოდ უფლებამოსილი პირები.
- 5.2. შემსყიდველის მხრიდან საქონლის მიღება-ჩაბარებაზე უფლებამოსილია ხელშეკრულების შესრულების კონტროლის განმახორციელებელი პირები.
- 5.3. საქონლის მიღება-ჩაბარების აქტის შედგენამდე შემსყიდველის მოთხოვნის შემთხვევაში მიმწოდებელი ვალდებულია უზრუნველყოს საექსპერტო დასკვნის წარმოდგენა, რომლითაც დადგინდება მოსაწოდებელი საქონლის ხარისხი.
- 5.4. საქონელი ჩაითვლება მიღებულად მხოლოდ 5.3 პუნქტით გათვალისწინებული საექსპერტო დასკვნის (მისი მოთხოვნის შემთხვევაში) წარმოდგენისა და ფაქტობრივად მიწოდებული საქონლის დასახელების, რაოდენობისა და ღირებულების მითითებით შედგენილი მიღება-ჩაბარების აქტის გაფორმების შემდეგ.
- 5.5. შემსყიდველმა უნდა შეამოწმოს საქონელი ხელშეკრულების პირობებთან მიმართებაში.
- 5.6. თუ საქონელი არ შეესაბამება ხელშეკრულების პირობებს, შემსყიდველი მიმწოდებელთან ერთად, ან მის გარეშე, ადგენს აქტს დადგენილი წესის შესაბამისად.
- 5.7. შემსყიდველი ვალდებულია ოპერატიულად, წერილობითი სახით აცნობოს მიმწოდებელს შემოწმების შედეგები, დაწუნებული საქონლის რაოდენობა და წუნდების მიზეზი.

6. ანგარიშსწორების ფორმა, წესი და ვადები

- 6.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ხელშეკრულებით გათვალისწინებულ რეკვიზიტებზე ეროვნულ ვალუტაში.
- 6.2. შემსყიდველი ანგარიშსწორებას ახორციელებს:
- ა) მიმწოდებლის მიერ ხელშეკრულების 5.4. პუნქტით განსაზღვრული წესით შედგენილი მიღება-ჩაბარების აქტის შესაბამისად შევსებული საგადასახადო ანგარიშ-ფაქტურის წარმოდგენიდან 20 დღის განმავლობაში.
- ბ) მიმწოდებლის მოთხოვნის შემთხვევაში ხელშეკრულების ღირებულების მაქსიმუმ 50 %-ის ოდენობის თანხის წინასწარი გადახდით, მიმწოდებლის მიერ ამავე თანხაზე წარმოდგენილი გარანტიის საფუძველზე. ავანსის გამოქვითვა განხორციელდება მიწოდებული საქონლის ღირებულებიდან.
- 6.3. მიმწოდებელთან ანგარიშსწორება მოხდება ფაქტობრივად მიწოდებული საქონლის რაოდენობის მიხედვით. მიმწოდებელს არ უნდა გააჩნდეს პრეტენზია აუთვისებელ თანხებზე.
- 6.4. მიმწოდებელი ვალდებულია წარმოდგენილ საგადასახადო ანგარიშ-ფაქტურაზე მიუთითოს ყველა საჭირო რეკვიზიტი. წინააღმდეგ შემთხვევაში, შემსყიდველს უფლება აქვს არ მიიღოს დოკუმენტი.

7. გარანტია

- 7.1. მიმწოდებელი იძლევა გარანტიას, რომ მიწოდებული საქონელი სწორი ექსპლუატაციის დროს არ გამოავლენს დეფექტებს მიღება-ჩაბარების აქტის გაფორმებიდან ერთი წლის განმავლობაში (საგარანტიო ვადა).
- 7.2. საგარანტიო ვადაში საქონლის ხარვეზის გამოვლენის შემთხვევაში მიმწოდებელი ვალდებულია შეტყობინების მიღებიდან 7 დღის ვადაში საკუთარი ხარჯებით უზრუნველყოს ხარვეზის აღმოფხვრა.
- 7.3. მიმწოდებლის მიერ ხელშეკრულებით განსაზღვრული მიწოდებული საქონლის ხარისხი უნდა შეესაბამებოდეს ხელშეკრულებით და სატენდერო დოკუმენტაციით განსაზღვრულ პირობებს და არსებულ სტანდარტებს.
- 7.4. მიმწოდებელი ვალდებულია საბოლოო მიღება-ჩაბარების აქტის გაფორმებიდან 10 დღის ვადაში წარმოადგინოს საგარანტიო პერიოდში ნაკისრი ვალდებულების უზრუნველყოფის საბანკო გარანტია

5000 ლარზე, რომლის მოქმედების ვადა უნდა იყოს მინიმუმ 6 თვე საბოლოო მიღება-ჩაბარების აქტის გაფორმების დღიდან.

7.5. 7.4. პუნქტში აღნიშნული პირობებიდან გადახვევის შემთხვევაში, შემსყიდველი უფლებამოსილია არ ანააზღაუროს მიწოდებული საქონელის ღირებულება ან/და მიმწოდებლის მიმართ გამოიყენოს ამ ხელშეკრულებით და საქართველოს კანონმდებლობით გათვალისწინებული ზომები.

8. ხელშეკრულების შესრულების კონტროლი

8.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.

8.2. შემსყიდველის მხრიდან ხელშეკრულების შესრულების კონტროლს ახორციელებს შემსყიდველის ბრძანებით განსაზღვრული ხელშეკრულების პირობების შესრულების კონტროლის განმახორციელებელი პირები.

8.3. ხელშეკრულების შესრულების კონტროლი ხორციელდება სისტემატიურად, შემსყიდველის შეხედულებისამებრ.

8.4. კონტროლი ხორციელდება როგორც შუალედური ფორმით – საქონლის მიწოდების პროცესში, ისე მისი დამთავრების შემდგომ, მიღება-ჩაბარებისას.

8.5. მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

9. მხარეთა პასუხისმგებლობა ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულებების შესრულების ვადების გადაცილების (მათ შორის საგარანტიო პერიოდში) შემთხვევაში, მხარეს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07 პროცენტის ოდენობით.

9.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5 პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

9.3. პირგასამტეხლოს გადახდა არ ათავისუფლებს მხარეს ხელშეკრულებით განსაზღვრული ძირითადი ვალდებულებების შესრულებისაგან.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია მეორე მხარეს აცნობოს ვალდებულებების შესრულების შეუძლებლობის შესახებ.

10.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი.

10.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს მომდევნო სამუშაო დღისა წერილობით უნდა აცნობოს მეორე მხარეს აღნიშნული გარემოების დადგომის (დასრულების) შესახებ.

10.4. 10.3. მუხლით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან.

10.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

11. ხელშეკრულებაში ცვლილებების შეტანა

11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. ხელშეკრულების პირობების, მათ შორის ღირებულების შეცვლა დაუშვებელია, თუ ამ ცვლილების

შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11.4. თუ რაიმე წინასწარ გათვალისწინებულის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. საავანსოდ გადასახდელი თანხისა და ხელშეკრულების შესრულების უზრუნველყოფის გარანტია

12.1. საავანსოდ გადასახდელი თანხისა და ხელშეკრულების შესრულების უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული კომერციული ბანკის, სადაზღვევო კომპანიის ან სხვა საკრედიტო დაწესებულების მიერ გაცემული გარანტიები.

12.2. ავანსის გადახდა შესაძლებელია მხოლოდ მიმწოდებლის მიერ ავანსად გადასახდელი თანხის იდენტური ოდენობის გარანტიის წარმოდგენის შემთხვევაში, აღნიშნული გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

12.3. მიმწოდებელი ვალდებულია წარმოადგინოს ხელშეკრულების შესრულების უზრუნველყოფის გარანტია. გარანტიით უზრუნველყოფილი თანხა შეადგენს ხელშეკრულების ღირებულების 5 პროცენტს.

12.4. ხელშეკრულების შესრულების უზრუნველყოფის გარანტიის მოქმედების ვადა მინიმუმ 30 დღით უნდა აღემატებოდეს ხელშეკრულების მოქმედების ვადას.

12.5. მიმწოდებლის მიერ წარმოდგენილი გარანტია (გარანტიები) შემსყიდველის მიერ გამოიყენება ნებისმიერი ზიანის ან მიმწოდებლის მიერ გადაუხდელი თანხის (მათ შორის, დარიცხული პირგასამტეხლოს) ანაზღაურების მიზნით, რომლიც მიაღება შემსყიდველს მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულების შედეგად.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) საქართველოს კანონმდებლობით გათვალისწინებულ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

14. სადავო საკითხების გადაწყვეტა

14.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

14.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

15. სხვა პირობები

15.1. ხელშეკრულების განუყოფელ ნაწილს წარმოადგენს შემდეგი დოკუმენტები:

- ა) ინფორმაცია მიწოდების ადგილის შესახებ;
- ბ) ინფორმაცია ფასებისა და მიწოდების ვადების შესახებ;
- გ) ინფორმაცია ტექნიკური მახასიათებლების შესახებ.

15.2. საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო მარკის ან საწარმოო ნაკეთობის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

15.3. მიმწოდებელმა უნდა უზრუნველყოს შეკერილი ფორმის მოსწავლეებისთვის მორგება. წინააღმდეგ შემთხვევაში მიმწოდებელი ვალდებულია საკუთარი ხარჯებით უზრუნველყოს შეკერილი ფორმის გადაკეთება ან/და შეცვლა.

15.4. შემსყიდველი იღებს ვალდებულებას მიმწოდებელს მიაწოდოს ინფორმაცია მოსწავლეთა რაოდენობის შესახებ სკოლების მიხედვით.

15.5. მიმწოდებელი ვალდებულია საქონლის მიწოდების შემდგომ, საჭიროების შემთხვევაში, მაგრამ არაუმეტეს 2 თვით, შემსყიდველის მითითებით უზრუნველყოს საქონლის შენახვა უსფრთხო პირობებში და მისი შემდგომი მიწოდება მიწოდების ადგილის შესახებ ინფორმაციის შესაბამისად.

15.6. მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან მიწოდების ადგილის შესახებ ინფორმაციაში მითითებულ დანიშნულების ადგილამდე ტრანსპორტირების პროცესში.

15.7. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.8. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15.9. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

15.10. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულებდა ქართულ ენაზე.

15.11. ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი ეგზემპლარი ინახება შემსყიდველთან და ერთი ეგზემპლარი მიმწოდებელთან.

16. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელშეკრულების ხელმოწერის დღიდან და მოქმედებს 2012 წლის 30 ოქტომბრამდე.

17. მხარეთა რეკვიზიტები

შემსყიდველი:

მიმწოდებელი:

ინფორმაცია ფასების და მიწოდების ვადების შესახებ

(პრეტენდენტის დასახელება)

(შევსების თარიღი)

რიგითი N	საქონლის დასახელება	რაოდ ენობა (კომპ.)	ერთეულის ღირებულება	საერთო ღირებულება	მიწოდების ვადა
1	სასკოლო ფორმა მოდელი №1	2547			
2	სასკოლო ფორმა მოდელი №2	1130			
3	სასკოლო ფორმა მოდელი №3	323			
სულ		4000			

შენიშვნა:

1. სასკოლო ფორმების მოდელების რაოდენობები შესაძლებელია შეიცვალოს შემსყიდველის მიერ, რაც წერილობით ეცნობება მიმწოდებელს.
2. სასკოლო ფორმების რაოდენობა გოგონებისა და ვაჟების მიხედვით დაზუსტდება ეტაპობრივად, მაგრამ მოწოდების ვადის დასრულებამდე არაუგვიანეს 1 თვისა.

ხელმოწერა _____

ბ.ა

პრეტენდენტის რეკვიზიტები

სამართლებრივი ფორმა:

საფირმო სახელწოდება:

იურიდიული მისამართი:

ფაქტიური მისამართი:

საიდენტიფიკაციო კოდი:

ელექტრონული ფოსტის მისამართი:

ტელეფონის ნომერი:

მომსახურე ბანკის დასახელება:

მომსახურე ბანკის მფო:

ანგარიშსწორების ანგარიშის ნომერი:

ხელმძღვანელობაზე უფლებამოსილი პირი
(სახელი და გვარი)

ხელმძღვანელობაზე უფლებამოსილი პირის
მობილური ტელეფონის ნომერი:

(შევსების თარიღი)

აფიდავითი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავითში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვანერო ამ აფიდავითს და წარვადგინო ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავითის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავეცანი ამ აფიდავითის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავითი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავითით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.